

日本後紀

卷第十二
卷第十三
卷第十四

第五十七

和書門			
田	三	七	二
冊	架	函	號
〇	一	三	四
冊	架	函	號

庫文閣内		
一	四	和
三	二	
七	七	
函		

内閣文庫		
番號	和	42727
冊數		40(22)
函號		137 166

三



A 1 2 3 4 5 6 M 8 9 10 11 12 13 14 15 B 17 18 19

Kodak Gray Scale



© Kodak, 2007 TM: Kodak



日本後紀卷第十一

起延曆廿三年正月盡廿四年六月

左大臣正二位兼行左近衛大將臣藤原朝臣冬嗣等奉

勅撰

皇統彌照天皇 桓武天皇

廿三年春正月丁丑朔御大極殿受朝賀武藏國言有木連理近

江國獻百雀宴次侍從已上於前殿賜被

親王之房授親王三品厚和贈從六位下池田朝臣蘓守授從五

位下賜三位以上被五位以上及六位以下藤原氏等綿癸未勅

真如妙理一味無二然三論法相尚宗菩薩目擊相諍蓋欲令後

代學者以競此理各深其業歟如聞諸寺學生就三論者少趣法

相者多遂使阿黨凌奪其道疎淺宜年分度者每年宗別五人為

之若當年無堪業者闕而莫填不得以此宗人補彼宗數祖令二

宗學生兼讀諸經并疏法華最勝依舊為同業華嚴涅槃各為一

業經論通熟乃以為得雖讀諸論若不讀經者亦不得度其廣涉

日本後紀卷第十一

十一

經論習義殊高者勿限漢音自今以後永為恒例甲申宴五位以上賜物有差丁亥勅項年諸國緇徒多虧戒行既汚法教先從擯出然而特降弘恕厚優者宿其有改過者聽住本寺又簡智行可稱堪為入師者擢任講師化導釋侶如聞苟忝講師或事奸濫詐稱改過未捨妻孥此乃僧綱簡擇取失國司何容任意違教湯法莫過斯其宜有此類一從擯却其僧綱國司猶不悛革量情科貶正五位下藤原朝臣今川藤原朝臣縵麻呂藤原朝臣繼業授正五位上己丑左京人正六位上□□朝臣今繼等賜姓三棟朝臣辛卯夷第一等浦田臣史間儺授外從五位下壬辰宴五位已上賜物有差癸巳幸馬埭殿觀射乙未運武藏上總下總常陸上野下野陸奥等國楡一萬四千三百五斛米九千六百八十五斛於陸奥國小田郡中山柵為征蝦夷丙申遊獵水生野是日天寒於野中賜五位已上衣戊戌律師傳燈大法師位如寶言招提寺

者斯唐大和尚鑿真為聖朝取建也天平寶字三年勅以沒官地賜之名為招提寺又以越前國水田六十町備前國田地十三町宛給供新令學戒法以來殆五十年雖有經律未經披講一則乖和上之素意一則闕弘道之至志伏望令永代傳講使用賜田充律供儲然則招提之宗久而無廢先師之旨沒而不朽許之己亥制延曆十一年七月三日格六世已下王情願改姓者注取願之姓先申官待報然後改之不得輒行者項年之間未有申請既違格旨自今以後除兼嫡之外猶不□者宜抑止計帳不得踈口免淡路國窮民負稅九萬三千九百束庚子從五位下笠朝臣庭麻呂為大和外從五位下津宿禰源為山城外從五位下大中臣朝臣弟枚為伊賀守從五位下大荒城臣忍國為遠江外從五位上高倉朝臣殿繼為駿河守從五位下藤原朝臣真雄為近江權外大內記從五位下平群朝臣真常為兼大掾從五位下和朝臣

弟長為信濃公中衛少將從四位下巨勢朝臣野足為兼下野守
從五位下大中臣朝臣常麻呂為公從五位下佐伯宿禰社屋為
出羽守從五位下藤原朝臣山人為越中權公從五位下和朝臣
氏繼為越後公從四位下安倍朝臣弟當為丹波守從五位下淡
海真人有成為公從五位下大養公宿禰宅守為因幡公從五位
下石川朝臣宗成為備後守從五位下百濟王忠宗為伊豫公從
五位下藤原朝臣藤繼為大宰少貳正五位上藤原朝臣縵麻呂
為豐前守從五位下藤原朝臣真書為豐後守辛丑幸神泉死壬
寅遷但馬國治於氣多郡高田鄉甲辰刑部卿陸奧出羽按察使
從三位坂上大宿禰田村麻呂為征夷大將軍正五位下百濟王
教雲從五位下佐伯宿禰社屋從五位下道嶋宿禰御楯為副軍
監八人軍曹廿四人乙巳安藝國野三百町賜甘南備內親王以
為牧地二月丙午朔中務大輔從四位上三嶋真人名繼為兼衛

門督戊申幸西八條并五條院賜五位己上衣庚戌運收大和國
石上社器仗於山城國葛野郡甲寅從五位下淨宗王為少納言
癸亥從五位下大宅真人繼成為大監物從四位下大庭王為內
近頭從五位下大中臣朝臣真取為助從五位上下毛野朝臣年
繼為諸陵助從五位下大伴宿禰久米主為主稅頭從五位下大
宅真人淨成為造兵正從五位下藤原朝臣城主為宮內少輔從
五位下大野朝臣犬養為左京亮春宮權亮從五位下藤原朝臣
直夏為亮中衛權少將如故參議從四位下藤原朝臣緒嗣為兼
山城守右衛士督如故從四位下三諸朝臣大原為播磨守竟大
和國田租并地子緣旱災也乙丑巡行京中御式部卿三品伊豫
親王弟賜四位以上衣己巳幸近江國志賀郡可樂埜庚午攝津
國飢遣使賑給外從五位下殖粟連宗繼為美濃權介三月戊寅
宴次侍從以上命文人賦詩賜物有差庚辰遣唐使拜朝辛卯賜

五位以上米各有差以霖雨也壬辰從五位下藤原朝臣永真為
權右少辨庚子大宰府言大隅國桑原郡蒲生驛與薩摩國薩摩
郡田尻驛相去遙遠逆送艱苦伏望置驛於薩摩郡櫛野村以息
民苦許之是日召遣唐大使從四位上藤原朝臣葛野麻呂副使
從五位上石川朝臣道益等兩人賜餞殿上近召御床下綸旨懸
勲特賜息酒一杯寶琴一面酣暢奏樂賜物有差癸卯授大使葛
野麻呂節刀夏四月己酉從五位下桑田真人木津真麻呂為主
計助從五位下多治比真人氏守為主稅助從五位下田中朝臣
八月麻呂為右衛士佐壬子從五位下紀朝臣國雄為右大舍人
助從五位下藤原朝臣城主為民部少輔從五位下三嶋真人真
影為宮內少輔從五位下安倍朝臣宅麻呂為主殿頭外從五位
下豐山忌寸真足為助外從五位下壬生公足人為園池正從五
位下多治比真人家繼為造東寺次官外從五位下日下部得足

為造西寺次官待醫外從五位下倭廣成為兼遠江權掾待醫外
從五位下難波連廣名為兼因幡權掾從五位下秋篠朝臣全繼
為右衛士權佐待從四位下葛野王為兼主馬頭從五位下紀
朝臣田上為內廐助從五位下百濟王元勝為內兵庫正丁卯勅
聽著深袴先有限制自今以後淺衫深不論高果宜特聽之但著
朝服時不得同襲其深深及常取禁不在聽限卒未制頽壞成川
之地屢事除籍新出為田之狀未聞言上若西岸壞流既損公田
則東邊新成點為私地如此經年公損幾何宜天平十四年以降
新出田數細勘言上不得疎漏中納言從三位和朝臣家麻呂
贈從二位大納言家麻呂贈正一位高野朝臣弟嗣之孫也其先
百濟國人也為人木訥無才學以帝外戚特被擢進蕃人入相府
自此始焉可謂入位有餘天爵不也其雖居貴職逢故人者不嫌
其賤握手相語見者感焉時年七十一壬申賜從四位下紀朝臣

兄原度一人右兵衛大初位下山村日佐駒養獻白雀賜近江國
 稻五百束五月戊寅御馬埒殿觀馬射癸未陸奧國言斯波城與
 膳澤郡相去一百六十二里山谷峻□往還多艱不置郵驛恐關
 機急伏請准小路例置一驛許之辛卯傳燈大法師位善謝卒法
 師俗姓不破勝義濃國不破郡人也初就同寺理教大德稟學法
 相道業日進尤善棋^碁遂乃超□三學通達六宗滋此智牙決被
 疑網延曆五年彌照天皇擢任律師榮幸非好辭職閑居凡厥行
 業必於菩提一生期盡終於梵福山中遂生極樂入同法夢時年
 八十一甲申辛武部卿三品伊豫親王弟戊子播磨國荒廢田八
 十二町賜□□親王庚寅制正月齋會得度之輩理須舊年試
 牙新歲得度而所司常致悞闕迄于會畢其名不定自今以後舊
 年十二月中旬以前試定申送其狀簡定之後不聽改替然則本
 願無虧屬託亦止辛卯散事從三位藤原朝臣延福薨癸巳山城

國穀四千斛賑給左右京高年丙申齋宮寮獻白雀播津國言頻
 歲不登百姓乏食加以春夏水害資糧亦盡伏請正稅二萬束假
 貸貧民令濟家產許之六月壬子從五位下藤原朝臣貞嗣為左
 少辨從五位下豐野真人村為大監物從五位下石上朝臣乙名
 為散位頭從五位上藤原朝臣道雄為宮內大輔從五位上中臣
 朝臣道成為東藥頭癸丑定越中國為上國丙辰制常陸國鹿嶋
 神社越前國氣比神社能登國氣多神社豐前國八幡神社等宮
 司人懷競望各稱譜第自今以後神祇官檢舊記常聞氏中其事
 者擬補申官壬戌幸大堰癸亥散位從三位石上朝臣家成薨左
 大臣贈從一位麻呂之孫正六位上東人之子也才藝無取恪勤
 在公薨時年八十三甲子散位正五位下小倉王上表曰臣聞上
 天闕象兩曜以之盈虛聖人肇基九族由其差降是故尊卑有序
 仰星辰而可知親疎無替命氏姓而立教伏惟陛下彫鍊品彙陶

治生靈入正其名物安其性小倉幸屬淳和謬需濡澤口乾口弘
 大造無謝但得愚息內舍人繁野及小倉兄別王之孫內舍人山
 河等款稱臣等智効穿施器識庸微木天潢之末流仰瓊枝而悚
 懼伏請依去延曆十七年十二月廿四日友上王賜姓故事同蒙
 清原真人姓又繁野名語觸皇子改繁曰夏小倉不忘口犢聞斯
 行諸特望天恩伏聽進止其應賜姓人等其目如別不任懇迫之
 至謹以申口許之大宰府言壹伎鳴防人糧受筑前穀運漕艱苦
 屢致漂失伏望廢六國所配防人廿人以當嶋兵士三百人分番
 配置不勞給糧許之已巳停山城國山科驛加近江國勢多驛馬
 數庶午勅比年渤海國使來着多在能登國停宿之處不可疎陋
 宜早造客院秋七月癸酉朔幸神泉苑丙子幸大堰己卯觀相撲
 授元位明口女王從五位上從五位上紀朝臣內子川上朝臣真
 奴百濟王惠信藤原朝臣川子紀朝臣殿子正五位上元位藤原

朝臣上子橘朝臣御井子紀朝臣乙魚坂上大宿禰春子從五位
 上癸未幸葛野川丙申幸與津津己亥幸大堰辛丑右京人門部
 連松原流土左國以不孝也八月癸卯朔幸大堰丁未幸葛野川
 己酉遣征夷大將軍從三位行近衛中將兼造西寺長官陸奧出
 羽按察使陸奧守勳二等坂上大宿禰田村麻呂從四位上行衛
 門督兼中務大輔三嶋真人名繼等定和泉攝津兩國行宮地以
 將幸和泉紀伊二國也庚戌幸葛野川壬子暴雨大風中院西樓
 倒打死牛又墮壞神泉苑左右閣京中廬舍諸國多蒙其害天皇
 生年在丑歎曰朕不利歟未幾不豫遂弃天下癸丑地震賜贈大
 納言從二位和朝臣家麻呂從四位下尾張女王度各二人乙卯
 遊獵北野辛酉巡行京中癸亥遊獵大原野丁卯遊獵栗前野戊
 辰天皇以來冬可幸和泉國參議式部大輔春宮大夫近衛中將
 正四位下藤原朝臣繩主為裝束司長官正五位上橘朝臣安麻

呂從五位下池田朝臣春野為副參議左兵衛督從三位紀朝臣
 勝長為御前長官從五位上藤原朝臣純彥為副左大辨東宮學
 士左衛士督但馬守正四位下菅野朝臣真道為御後長官從五
 位下紀朝臣咋麻呂為副庚午從五位下大枝朝臣須賀麻呂為
 主計助外從五位下檜原宿禰鑠作為造西寺次官九月甲戌近
 江國蒲生郡荒田五十三町賜式部卿三品伊豫親王乙亥幸大
 堰己卯幸神泉苑辛巳從五位下紀朝臣田上為相模外丁亥正
 六位上善原忌寸依授外從五位下己丑遣兵部少丞正六位上
 大伴宿禰岑萬里於新羅國太政官牒曰遣使唐國備聘之狀去
 年令大宰府送消息訖時無風信遂變炎涼去七月初四船入海
 而兩船遭風漂廻二船未審到處即量風勢定著新羅仍遣兵部
 省少丞正六位上大伴宿禰岑萬里等尋訪若有漂著宜隨事資
 給令得還鄉不到彼塚莫遣使入唐訪覓具報壬辰遊獵北野癸

已丹波國言依格差勲位衛護府庫而白丁之儀唯卅日勲位取
 直百卅日有位白丁勞逸不均者制宜以白丁為健兒甲午式部
 省言案公式令親王一品已下職事初位已上並可自牒諸司雖
 是三位已上曾無以家司牒及解向官司之文而案去延曆廿一
 年九月廿三日格云親王內親王並年滿四歲始充帳內者今親
 王內親王或年未成久或不便文筆至經官司若為申牒又同令
 牒式三位已上去名然則親王四品已上去名明矣而散事數人
 同品及同官位姓之類既不署名何以辨知仍問法家答云如此
 之類可有別式者未審取從者勅幼稚親王既不便筆三位已上
 亦無可署准據令格遷成疑滯必須自牒事有不穩自今以後宜
 親王四品已上及職事三位已上並聽以家司牒申牒諸司其牒
 首並具注其官品其親王家及其官位姓名家牒以別同異牒尾
 家令已下兩人署之无品親王內親王者並別當官人署名申牒

牒式准_{上定}別當人依勅處分其散事三位元無家司至牒諸司
 宜令自署立為恒式_{戊戌}地震冬十月甲辰行幸和泉國其夕至
 難破行宮_{乙巳}賜撰津國司被衣上御舟泛江四天王寺奏樂國
 司奉獻_{丙午}至和泉國遊獵于大鳥郡惠美原散位從五位下坂
 本朝臣佐太氣麻呂獻物賜綿一百斤_{丁未}獵于城野日暮御日
 根行宮_{戊申}獵垣田野阿波國獻物賜國司等物有差左大辨正
 四位下管野朝臣真道獻物賜綿二百斤_{己酉}獵蘭生野近衛中
 將從三位坂上大宿禰田村麻呂獻物賜綿二百斤_{庚戌}獵于日
 根野河內國獻物_{辛亥}詔曰天皇詔旨_{良乃}勅命_手和泉攝津二
 國司郡司公民陪從司々人等諸聞食_止宜_{今年}波_{年實豐稔}且
 人々產業_毛取_取且_{在此月}波_{閑時}爾_之國風御覽_{頃時}止_{奈常}
 毛_{聞取}行_頃今行宮取_手御覽_爾山野_毛瀛海_激毛_清之_{御意}毛
 於太比爾_之御坐坐故是以御坐坐_{留世}和泉國并撰津國東生西

成二郡乃百姓爾今年田租免賜_比又勤仕奉國郡司及一二能
 人等爾冠位上賜_比治賜_布目以下及郡司乃正六位上乃人_波爾
 男一人爾位一階賜_布又行宮勤仕奉爾依_且三嶋名繼真人_乎
 口賜_比治賜_布又行宮乃邊爾近_波高年八十已上并陪從人等
 爾大物賜_止波_久詔_布勅命_乎衆聞食_止宜授撰津守從三位藤原
 朝臣雄友正三位衛門督從四位上三嶋真人名繼正四位下散
 位從五位下坂本朝臣佐太氣麻呂從五位上撰津外從五位
 下尾張連粟人和泉守外從五位下中科宿禰雄庭撰津掾正六
 位上多治比真人船主和泉掾正六位上小野朝臣木村散位正
 六位上大枝朝臣萬麻呂從五位下又皇太子已下賜物有差遣
 使於和泉日根二郡諸寺施綿播磨國司奉獻奏風俗歌王子幸
 紀伊國王出嶋_{癸丑}上御船遊覽賀樂內親王及參議從三位紀
 朝臣勝長國造紀直豐成等奉獻詔曰天皇詔旨_{良乃}勅命_乎紀

伊國司郡司公民陪從司々人等諸聞食止宣此月波開時_{尔之}
國風御覽_{漢時}止_奈常_母聞取行_漢今御坐取_乎御覽_尔磯嶋_毛
奇麗_之海激_毛清晏_尔御意_母於多比_尔御坐坐故是以御坐
坐_{留世}名草海部二郡乃百姓_尔今年田租免賜_比又國司國造二
郡司_尔浪冠位上賜_比治賜_布目己下及郡司乃正六位上乃人_{波尔}
男一人_尔位一階賜_布又御座取_尔近波高年八十已上人等_尔
大物賜_止波_久詔布勅命_乎衆聞食止宣授守從五位下藤原朝臣
鷹馬養從五位上_尔外從五位下葛井宿禰豐繼_比祿從六位下小野
朝臣真野刑部大丞正六位上紀朝臣岡繼中衛將監正六位上
紀朝臣良門從五位下遣使於名草海部二郡諸寺施綿_{甲寅}自
雄山道還日根行宮_{乙卯}遊獵熊取野_{丙辰}御難破行宮_{丁巳}國
司奉獻遣使於西成東生二郡諸寺捨綿_{戊午}車駕至自難破_壬
戌幸神泉苑_{甲子}勅私養鷹馬_{禁制}已久如聞臣民多蓄遊獵無

度故違論言深合罪責宜嚴禁斷勿令重犯但三王臣聽養有美
仍賜印書以為明驗自餘輒養將宜重科其印書外過數者捉辭
鷹馬進上自餘王臣五位已上錄名言上六位已下及辭鷹馬_並
依法禁固科違勅罪遣使搜檢如有違犯國郡官司亦與同罪_戊
辰免越前能登二國今年調十分之七以粟麻有損也十一月_戊
寅陸奧國栗原郡新置三驛_{己卯}遊獵日野_{壬午}制筑前國志麻
郡自今以後停止綿調以令輸錢_{甲申}幸神泉苑_{左京人從七位}
下大倭連三田次賜姓大真連_{丁亥}幸神泉苑_{戊子}山城國乙訓
郡白田六町賜耳南備內親王_{己丑}幸神泉苑_{癸巳}出羽國言秋
田城建置以來卅餘年土地境埆不宜五穀加以孤居北隅無隣
相救伏望永從停廢保河邊府者宜停城為郡不論土人浪人以
住彼城者編附焉_{戊戌}幸神泉苑_子學士但馬守菅野朝
臣真道木工頭從五位上兼行造宮亮播磨石川朝臣河主監

僧綱政十二月壬寅朔幸神泉苑丙午勅自今以後左右大辨八省卿彈正尹准參議已上雖開門以後聽就朝堂寺未幸神泉苑壬戌勅牛之為用在國切要負重致遠其功實多如聞無賴之輩爭事驕侈尤剝斑犢競用鞍鞵為弊良深事須禁絕自今已後殺剝及用鞍并胡祿等之具一切禁斷若有違犯科違勅罪主司阿容亦與同罪丙寅聖體不豫遣使平城七大寺賫綿五百六十斤誦經又賑恤舊都飢乏道俗丁卯詔曰朕有取思欲施恩澤宜赦天下自延曆廿三年十二月廿六日昧爽以前大辟已下罪無輕重皆咸赦除但強竊二盜及私鑄錢常赦取不免者不在赦限敢以赦前事相告言者以其罪罪之普告天下知朕意焉是日賜三品式部卿諱和度一人

廿四年春正月辛未朔廢朝聖體不豫也癸酉制定額諸寺檀越之名載在流記不可輒改而愚人爭以氏寺假託權貴詐稱檀越

寺家田地任情賣買事多奸濫且加禁斷丁丑正五位上橘朝臣安麻呂授從四位下賜五位已上物各有差甲申平明上急召皇太子遲之更遣參議右衛士督從四位下藤原朝臣緒嗣召之即皇太子參入昇殿召於牀下勅語良久命右大臣以正四位下管野朝臣真道從四位下秋篠朝臣安人為參議又請大法師勝廣放却鷹犬侍臣莫不流淚奉為崇道天皇建寺於淡路國是日勅項年為興釋教擯出違法之僧今聞自悔前過各有修行宜赦其過聽往本寺若更有犯處以恒科又令天下諸國修理國中諸寺塔乙酉永停大替隼人風俗歌舞是日大法師勝廣為少僧都均寵為律師丙戌參議從四位下秋篠朝臣安人為右大辨近衛少將勘解由長官阿波守如故從四位下橘朝臣安麻呂為左中辨從五位上百濟王鏡仁為右中辨從四位上藤原朝臣葛野麻呂為刑部卿越前守如故宴五位已上賜物有差丁亥於御在取南

端門外射。但乘輿不御。辛卯。賜散位從四位下住吉朝臣綱主度一人。壬辰。賜宿侍親王已下五位已上。衣是日未時。大星墮。乙未。地震。戊戌。外從五位下吉水連神德授從五位下。正六位上出雲連廣貞。外從五位下。以供奉御藥。晝夜不怠也。二月乙巳。相模國言。頃年差鎮兵三百五十人。戊陸奧出羽兩國。而今徭丁乏少。勲位多數。伏請中分鎮兵。一分差勲位。一分差白丁。許之。丙午。令僧一百五十人。於宮中及春官坊等。讀般若經。造一小舍於靈安寺。納稻卅束。又別收調綿百五十斤。庸綿百五十斤。慰神靈之怨。魂也。庚戌。造石上神宮使正五位下石川朝臣吉備人等。支度功程。申上單功一十五萬七千餘人。太政官奏之。勅曰。此神宮取以異於他社者何。或臣奏云。多收兵仗故也。勅有。何因緣取收之兵器。奉答云。昔來天皇御其神宮。便取宿收也。去都差遠。可慎非常。伏請卜食而運遷。是時文章生從八位上布留宿禰高庭。即備解。

申官云。得神戶百姓等。款稱比來大神。頻放鳴鑼。村邑咸恠。不知何祥者。未經幾時。運遷神寶。望請奏聞。此狀蒙從。停止官。即執奏。被報宣稱。卜筮吉合。不可妨言。取司成來。監運神寶。收山城國葛野郡。託無故倉介。更收兵庫。既而聖體不豫。典闈建部干繼。被充春日祭使。聞平城松井坊有新神。託女巫。便過請問。女巫云。今取問。不是凡人之事。宜聞其主。不然者。不告取問。仍述聖體不豫之狀。即託語云。歷代御宇。天皇以慇懃之志。取送納之神寶也。今踐穢吾庭。運收不當。取以唱天下諸神。勒諱贈天帝耳。登時入京。密奏。即詔神祇官并取司等。立二幄於神宮。御飯盛銀筥。副御衣一籠。並納御饗。差典闈干繼。充使。召彼女巫。令鎮御魂。女巫通霄。忿怒。託語如前。遲明乃和解。有勅。准御年數。屈宿德僧六十九人。令讀經於石上神社。詔曰。天皇御命。坐石上乃大神。申給破大神。乃宮。收有志器仗乎。京都遠。不成。依近處。全治止。

為_母奈去年此_尔運收有_流然_尔比來之間御體如常不御坐有
 大御夢_尔覺_志坐_尔依_兵大神乃願坐之任_尔本社_尔返收_之
 无驚_久无咎_久平_久安_久可御坐_止奈_志念_志食是以鍛冶司正從
 五位下作良王神祇大副從五位下大中臣朝臣全成典侍正五
 位上葛井宿禰廣岐等_乎差使_且禮代_乃幣帛并鏡令持_且申出
 給御命_乎申給_止申辭_別且申給_久神_良皇御孫_乃御命_乎堅
 磐_尔常盤_尔護奉_幸奉給_止稱辭_定奉_止申遣_典藥頭從五位
 上中臣朝臣道成等返納石上神社兵仗散位從四位下住吉朝
 臣綱王平綱王以善射為_近衛後歷將曹將監為_恪勤宿衛不怠
 好愛鷹犬多得_士卒心仕至少將卒時年七十七大和國人正六
 位上日佐方麻呂近江國人正六位上日佐人上賜姓紀野朝臣
 甲寅備後國飢遣使賑給正五位上葛井宿禰廣岐授從四位下
 乙卯賜脩行大法師位榮興度一人脩行傳燈法師位聽福二人

左京人多王登美王等十七人賜姓三園真人吉並口王並王等
 十七人近江真人駿河王廣益王等十六人清海真人池原王嶋
 原王二人志賀真人貞原王真貞王二人淨額真人坂野王石野
 王等十六人清岳真人篠井王坂合王等五人淨原真人十二月
 王小十二月王等三人室原真人永世王末成王末繼王春原真
 人田邊王高槻王等美海真人船木王長井真人岡山女王廣岡
 女王等四人岡原真人廣永王益永王等四人豐岑真人田村王
 小田村王金江王真殿王河原王等八人長谷真人八上王八嶋
 王山科真人己未令諸國々分寺行藥師悔過以聖躬未年也王
 成賜傳燈大法師位安暨度僧尼各一人脩行大法師位榮興僧
 一人脩行法師位慈憲等七人各二人從五位上平群朝臣廣道
 為王左守三月辛未施賜宿侍僧及五位已上被衣癸酉賜少僧
 都傳燈大法師位勝鷹度二人乙亥播磨國夷第二等去返公嶋

子賜姓浦上臣丙子賜律師大法師位均寵備行滿位僧勤益各
度二人備行滿位僧常江壽全各一人己卯賜傳燈法師位勤操
度二人備行滿位僧壽全一人癸未從五位下多治比真人八千
足授從五位上丙戌正六位上下毛野公小建授外從五位下己
丑免從四位下吉備朝臣泉并五百枝王藤原朝臣淨岡藤原朝
臣雄依山上船主等罪入京壬辰免伊豆國流人氷上真人河繼
罪遣使伯耆國請玄賓法師丙申於殿上行灌頂法是日詔曰解
網益辜哲王嘉訓滌瑕蕩穢列聖通規朕君臨區宇子育黔黎念
彼流移久陷刑憲情深惻隱無忘寢興思播凱澤令彼改且其延
曆廿四年三月以前犯謀反大逆及自餘緣犯已配流及移鄉者
不論道俗悉赦除之若身先亡恩渙不逮者原其妻子但惡逆造
畜毒害殺人會赦猶合移鄉之色及犯盜者不在赦限普告遐邇
知朕意享夏四月辛丑授散位從六位上江沼臣小並外從五位

下壬寅賜待醫等衣并絕布有差癸卯勅如聞貢調脚夫在路留
滯或飢橫斃者眾良由路次國郡不存法令隨便村里無意撫養
也自今以後如有此色當畀官司據法科處郡國官司存情相救
其醫曹療供給一依法令甲辰令諸國奉為崇道天皇建小倉納正
稅冊束并預國忌及奉幣之列謝怨靈也令壬左國帶驛路郡加
置傳馬五匹以新開之路山谷峻深也乙巳天皇召皇太子已下
參議已上託以後事己酉使近衛大將藤原朝臣內麻呂中將藤
原朝臣繩主等賜兵仗殿鎰於東宮遣使奉幣於賀茂神社庚
戌任改葬崇道天皇司外從五位下豐山忌寸真足為主殿助五
月己巳朔賜待從及待醫等衣辛未授從五位上藤原朝臣上子
正五位下戊寅授土左國香義郡少領外從六位上物部鏡連家
主爵二級以撫育有方公勤匪怠也己卯加山城大和河內攝津
等四國史生一員其日遣備行傳燈法師位聽福於紀伊國伊都

郡立三重塔為聖躬平善也。甲午甲斐越中石見三國飢遣使賑給六月乙巳遣唐使第一船到泊對馬嶋下縣郡天使從四位上藤原朝臣葛野麻呂上奏言臣葛野麻呂等去年七月六日發從肥前國松浦郡田浦四船入海七日戊刻第三第四兩船火信不應出入死生之間制等波濤之上都廿四箇日八月十日到福州長溪縣赤岸鎮已南海口時杜寧縣令胡延沂等相迎語云當州刺史柳冕緣病去任新除刺史未來國家大平者其向州之路山谷峻隘擔行不穩回廻船向州十月三日到州新除觀察使兼刺史閻濟義處分且奏且放廿三人入京十一月三日臣等發赴上都此州去京七千五百廿里星發星宿晨昏兼行十二月廿一日到上都長樂驛宿廿三日內使趙忠將飛龍家細馬廿三匹迎來兼持酒脯宣慰駕即入京城於外宅安置供給特有監使高品劉昂勾當使院第二船判官菅原朝臣清公等廿七人去九月一日

從明州入京十一月十五日到長安城於同宅相待廿四日國信別貢等物附監使劉昂進於天子劉昂歸來宣勅云卿等遠慕朝貢取奉進物極是精好朕殊喜歡時寒卿等好在廿五日於宣化殿禮見天子不衙同日於麟德殿對見取請並允即於內裏設宴官賞有差別有中使於使院設宴酣飲終日中使不絕頗有優厚廿一年正月元日於含元殿朝賀二日天子不豫廿三日天子雍王适萌春秋六十四廿八日臣等於巫天門立仗始著素衣冠是日太子即皇帝位諒闇之中不堪萬機皇太后王氏監朝稱制臣等三日之內於使院朝夕舉哀其諸蕃三日自餘廿七日而後就告二月十日監使高品宋惟澄領答信物來兼賜使人告身宣勅云卿等銜奉本國王命遠來朝貢漕國家喪事須緩々將息歸鄉緣卿等頻奏早歸自茲賜纏頭物兼設宴宜知之却廻本鄉傳此國喪擬欲相見緣此重喪不得宜之好去好去者事畢首途勅令內

使王國文監送至朗州發遣三月廿九日到越州永寧驛越州即
觀察府也監使王國文於驛館喚臣等附勅書函使還上都越州
更差使監送至管內朗州發遣四月一日先是去年十一月為迴
船明州留錄事山田大庭等從去二月五日發福州海行五十六
日此日到來三日到朗州郭下於寺裏安置五月十八日於州下
鄮縣兩船解纜六月五日臣船到對馬鳴下縣郡阿禮村其唐消
息今天子諱誦大行皇帝之男只一人而已春秋世五有祚餘男
女皇太子廣陵王純年廿八皇太后王氏今上之母大行皇帝之
后也年号貞元廿一年當延曆廿四年淄青道節度使青州刺史
李師古正己孫養兵馬五十萬朝廷以國喪告于諸道節度使入
青州界師古拒而不入口兵十萬以吊國喪為名自襲鄭州諸州
勦力逆戰相敵即為宣慰師古堯中使高品臣希倩發遣又蔡州
節度使吳少誠多養甲兵竊挾窺窬又去貞元十九年遣龍武將

軍薛審和親吐蕃到則拘口不得復命審欺之云取以來和者欲
嫁公主也吐蕃即令審歸娶天子頃之曰嫁娶者非朕取知宜更
迴允前者若事不遂不得入來審還到吐蕃界拒而不入在於今
日猶住兩界頭去年十二月吐蕃使等歸國尋被來由在娶公主
天子頃之不聽故不會賀正也其吐蕃在長安西北數興兵侵中
國今長安城去吐蕃界五百里內疑節度外嫌吐蕃京師騷動無
暫休息于未近江丹波丹後但馬播磨義作備前備後紀伊阿波
伊豫等十一國停進彩帛依舊貢納辛亥正六位上難破連廣成
若江造家繼授外從五位下癸丑伊賀國飢遣使賑給甲寅遣唐
使第二船判官正六位上菅原朝臣清公來到肥前國松浦郡鹿
嶋附驛上奏事多不載丙辰授從五位下紀朝臣廣濱從五位上
正六位上大上朝臣望成外從五位下庚申近衛中將從三位勳
二等坂上大宿禰田村麻呂為參議辛酉傳燈大法師位常騰為

丁亥常陸國人生部連廣成持授從八位下以出私物屢救貧民也己丑能登國言舶一艘漂著珠洲郡遣使檢船上雜物辛卯賜親王已下參議已上及內侍唐國彩帛各有差壬辰勅如聞疫癘之時民庶相憚不通水火存心救療何有死亡父子至親畏忌無近隣里疎族更復何言亡者衆多事在於此宜喻取司務存匍匐若不遵改隨即科處是日遣唐大使從四位上藤原朝臣葛野麻呂授從三位判官正六位上菅原朝臣清公從五位下故副使從五位上石川朝臣道益賜從四位下判官正六位上甘南備真人信影從五位下道益者從三位中納言石足之孫從五位上人成之子也略涉書記頗有才幹美於風儀卒於大唐明州朝廷惜之卒時年卅三癸巳遣使奉幣於畿內名神祈雨也甲午獻唐國物于山科後田原崇道天皇三陵八月丁酉朔山城國相樂郡白田十三町賜葛井親王癸卯從五位下川原女王上道朝臣千若授

正五位下正六位上安太女王賀茂朝臣口女從六位上縣犬養宿祢淨濱丈尼或圖從五位下正六位下小槻連濱名服部三船凡直古刀自從六位上朝野宿祢宅成從六位下船連志賀從七位上勝部造真上因幡國造苗取正八位上平群黑虫從八位下田邊史東女外從五位下乙巳地震是日請入唐求法僧取澄於殿上悔過讀經取澄獻唐國佛像丁未傳燈法師位肆開傳燈滿位僧景銜補供奉師壬子賜正四位上藤原朝臣產子度二人故入唐副使贈從四位下石川朝臣道益一人安藝國賀茂郡地五十町賜仲野親王丙辰從五位下菅原朝臣清公為大學助丁巳攝津國人外從五位下豐山忌寸真足附于右京近江國人正六位上林朝臣茂繼肥後國人從六位下中篠忌寸豐次等附于左京己未大納言正三位壹志濃王抗表請骸骨優詔不許癸亥太白與鎮星見東方常陸守從四位下紀朝臣直人卒直人者中納

言從三位麻路之孫正五位下廣名之子也為人溫潤頗有文藻
歷官內外無有毀譽終以天命卒時五十九九月庚午曲宴賜親
王以上衣辛未施禪師等衣壬申賜五位已上綿有差癸酉左京
人永嗣王等賜姓河上真人壬午令僧家澄於殿上行毗盧舍那
法己丑傳燈大法師位常騰為少僧都從五位上百濟王聰哲為
主計頭從四位下橘朝臣安麻呂為常陸守從五位下大伴宿祢
真城麻呂為能登守壬辰奉授越前國小虫神從五位下出雲國
造外正六位上出雲臣門起授外從五位下冬十月丁酉野鳥飛
入殿中己亥從五位上藤原朝臣繼彥為左中辨讚岐守如故從
五位下多治比真人今麻呂為式部權少輔從五位下安倍朝臣
大養為大藏少輔從五位上和氣朝臣廣世為美作守式部少輔
大學頭如故從四位下橘朝臣安麻呂為備前守從五位下巨勢
朝臣諸成為介從五位下讚岐公千繼為權介癸卯正六位上笠

臣田作千葉國造大私部直善人授外從五位下甲辰宴樂終日
賜五位已上錢有差丙午從四位下勲三等三諸朝臣大原為備
前守從四位下橘朝臣安麻呂為播磨守甲寅授入唐留學生无
位粟田朝臣飽田麻呂正六位上乙卯神祇伯從四位上多治比
真人繼兄為兼右兵衛督戊午播磨國俘囚吉弥侯部兼麻呂吉
弥侯部色雄等十人配流於多祓嶋以不改野心屢違朝憲也庚
申佐渡國人道公全成配伊豆國以盜官鶉也廢下總國印播郡
鳥取驛埴生郡山方驛香取郡真敷荒海等驛以不要也授正六
位上安倍朝臣真勝從五位下奉為崇道天皇寫一切經其書生
隨功叙位及得度癸亥於前殿讀經三日十一月丙寅朔制頃年
之間諸司諸國所進解文官人等名下或多不署若情懷不穩忍
而默尔為當執見各殊上下不慥歟縱使託事應被勘問則称某
甲不署解文既備貢品豈合得然自今以後宜令盡署其緣病及

假使等類隨即頭注不得令名下空有所疑涉丁卯授唐人正六位上清河忌寸斯麻呂外從五位下己巳山城國紀伊郡地一町賜典侍從四位下葛井宿祢廣歧授無位紀朝臣弟魚正五位上無位石川朝臣伊勢子從五位下壬申先是伊豆國掾正六位上山田宿祢豐濱奉使入京至伊勢國榎撫朝明二驛之間就村求湯有入與之更復煖酒相飲其後嘔吐至伊賀國堺豐濱從者死豐濱情知毒酒勤加療治至京遂死遣使左兵衛少志從六位下紀朝臣濱公勘之无得隱岐國人外從八位上服部松守采女外從五位下服部美船女等三人賜姓臣丁丑大納言正三位兼彈正尹壹志濃王薨詔賜從二位壹志濃者田原天皇之孫湯原親王之弟二子也質性矜然不護禮度杯酌之間善於言咲每侍酣暢對帝道疇昔帝安之薨時年七十三戊寅停陸奧國部內海道諸郡傳馬以不要也庚辰曲宴賜次侍從己上衣相模國大住郡

田二町賜從四位下百濟王教法甲申左京人正七位下淨村宿祢源言父賜綠表常照以去天平寶字四年奉使入朝幸沐恩渥遂為皇民其後不幸永背聖世源等早為孤露无復所恃外祖父故從五位上淨村宿祢晉卿養而為子依去延曆十八年三月廿二日格首露己訖儻有天恩无追位記自天祐之欣幸何言但賜姓正物國之徽章伏請改姓名為春科宿祢道直許之乙酉遷攝津國治於江頭許之戊子坂本親王於殿上冠賜參議從三位坂上大宿祢田村麻呂大藏卿從四位上藤原朝臣園人少納言從五位下多朝臣入鹿等衣被甲午撰津國人外從五位下出雲連廣貞等附于左京十二月庚子地震壬寅公卿奏議曰伏奉綸旨營造未己黎民或弊念彼勤勞事須矜恤加以時遭灾疫頗損農桑今雖有年未聞復業宜量事優矜得存濟者臣等商量伏望所點加仕丁一千二百八十一人依數停却又衛門府衛士四百人

減七十人。左右衛士府各六百人。每減一百人。隼人男女各卅人。每減廿人。雅樂歌女五十人。減卅人。仕女一百十人。減廿八人。停卜部之委男女廝丁等糧。又諸家封租。暫停春米。交易輕貨。又諸國貢調脚夫。或國役五箇日。或國三箇日。役限不均。勞逸各殊。湏共役二日。以同苦樂。又備後國神石。奴可三上。惠蘓甲。努世羅三。谿三次等八郡調糸。相授鋤鐵。又伊賀伊勢尾張近江美濃若狹。越前越中丹波丹後。但馬因幡播磨美作。備前備中。備後紀伊阿波。讚岐伊豫等國。殊免當年庸。許之。是日中納言近衛大將從三位藤原朝臣內麻呂侍殿上。有勅令參議右衛士督從四位下藤原朝臣緒嗣。與參議左大辨正四位下菅野朝臣真道。相論天下德政。于時緒嗣議云。方今天下所苦。軍事與造作也。停此兩事。百姓安之。真道確執異議。不肯聽焉。帝善緒嗣議。即從停廢。有識聞之。莫不感歎。癸卯。免淡路國浪人。今年調庸。乙己。廢造宮職。己酉。

施賜僧并宿侍五位以上大袍。從五位下文室真人長谷為周防守。庚戌。從五位下和朝臣建男為近江介。從五位下藤原朝臣友人為播磨權介。甲寅。從五位下岳田王為甲斐守。外從五位下紀朝臣廣河為阿波介。乙卯。甲斐國巨麻郡弓削社預官社。以有靈驗也。河內國交野郡白田二町。賜仲野親王。丁己。勅大和國畝火香山耳梨等山。百姓任意伐損。國吏寬容。不加禁制。自今以後。莫令更然。戊午。山城國乙訓郡白田一町。賜大判事從五位下讚岐公千繼。庚申。僧綱言。延曆年中。改諸國國師曰講師。一仕之後。不聽輒替。講說之外。莫預他事。欲能弘道教以利人也。今聞或身期老死。情無知足。既倦。講席何堪。誨導遂使汚法。墮罪。背師棄資。加以當國司等。檢掌伽藍。諸寺綱維。趨走府廳。此非道俗異形。真鳥殊性之意。伏望簡大智而任講師。舉小識而補讀師。限六年為期。其寺委寄講師。然則用人之策永存。媚俗之辱自息。勅其講師年。

限一依來請。但淺學之輩。未練戒律。年少之人。時聞違犯。宜簡年冊。五已上心行已定。始終不易者。補之。簡才用讓。申官經奏等。一同前格。若有自事銜賣。妄求俗舉者。永從擯出。以懲後輩。如網維受囑。亦捺情論之。其讀師者。依舊用之。又部內諸寺者。講師國司。相共檢校。不得獨恣。

大同元年春正月丙寅朔。廢朝。聖躬不豫也。宴次侍從已上於前殿。賜衣^被。庚午。右京人外從五位下堅部使主廣人賜姓豐宗。宿祢。賜大法師永忠度二人。僧寂澄三人。治部卿四品葛原親王二人。壬申。勅永停五位以上進裝馬。壬午。射。天子不御。左京人正七位上阿倍小殿朝臣真直從五位下阿倍小殿朝臣真出等賜姓阿倍朝臣。辛卯。勅攘灾植福。佛教寂勝。誘善利生。無如斯道。但夫諸佛取以出現於世。欲令一切衆生悟一如之理。然衆生之機。或利或鈍。故如來之說。有頓有漸。取有經論。取趣不同。開門雖異。遂期

菩提。譬猶大醫隨病與藥。設方萬殊。共期濟命。今欲興隆佛法。利樂群生。凡此諸業。廢一不可。宜華嚴業二人。天台業二人。律業二人。三論業三人。法相業三人。分業勸催。共令競學。仍須各依本業。疏讀法華。金光明二部經。漢音及訓。經論之中。問大義十條。通五以上者。乃聽得度。縱如二業中无及第者。闕置其分。當年勿度。省寮僧綱。相對案記。待有其人。後年重度。遂不得令彼此相棄。廢絕其業。若有習義殊高。勿限漢音。受戒之後。皆令先必讀誦二部戒本。諳案一卷。羯摩四分律鈔。更試十二條。本業十條。戒律二條。通七以上者。依次差任立義。複講及諸國講師。雖通本業。不習戒律者。莫聽任用。自今以後。永為恒例。癸巳。從四位下藤原朝臣仲成。為大和守。從五位上百濟王鏡仁。為河內守。從五位下紀朝臣南麻呂。為介。兵部大輔正五位上藤原朝臣繼業。為兼山城守。從四位下和朝臣入鹿麻呂。為伊勢守。齊官頭從五位下中臣九朝臣

豐國為兼介。從五位下藤原朝臣真川為尾張守。從五位下菅原朝臣清公為介。從五位下路真人年繼為參河介。從五位下大枝朝臣菅麻呂為遠江守。從五位下大宅真人繼成為駿河介。中納言從三位藤原朝臣內麻呂為兼武藏守。近衛大將如故。從五位下素田真人耳南備為介。從五位上安曇宿禰廣吉為安房守。宮內大輔從五位上藤原朝臣道雄為兼上總守。從五位下石川朝臣道成為介。右衛士佐從五位下田中朝臣八月麻呂為兼權介。外從五位下千葉國造大私部直善人為大掾。參議從三位紀朝臣勝長為兼下總守。左兵衛督如故。從五位下藤原朝臣城主為介。從四位下葛野王為常陸守。主馬頭如故。左兵衛權佐從五位下安倍朝臣益成為兼權介。大內記從五位下平群朝臣真常為兼近江權介。左衛士佐從五位下百濟王教俊為兼美濃守。從五位上坂本朝臣佐太氣麻呂為信濃介。侍從從四位下大庭王為

兼上野守。正四位下三嶋真人名繼為越前守。從五位下和朝臣氏繼為越後守。從五位下紀朝臣百繼為介。近衛將監如故。左少辨從五位下藤原朝臣貞嗣為兼丹後守。外從五位下山田造大庭為介。參議右衛士督從四位下藤原朝臣緒嗣為兼但馬守。從五位下佐伯宿禰清岑為介。內廐頭從五位下坂上大宿禰石津麻呂為兼因幡介。從五位下作良王為伯耆守。從五位下大中臣朝臣全成為出雲守。從五位下安倍朝臣宅麻呂為介。從五位下秋篠朝臣全繼為石見守。從五位下藤原朝臣友人為播磨介。中內記外從五位下出雲連廣貞為兼美作權掾。從五位下藤原朝臣諸主為備中守。外從五位下掃守宿禰弟足為安藝介。從五位下紀朝臣國雄為讚岐介。參議正四位下菅野朝臣真道為兼大宰大貳。從五位下大野朝臣犬養為肥前守。從五位下多治比真人氏守為介。從五位上高倉朝臣殿繼為肥後守。從五位下小野

朝臣木村為豐前介。甲午勅。兼前出舉雜稻收半倍利。法令恒規。不易之典。延曆十四年。改率十束。利收其三。此欲民阜財用。俗期隆泰也。如聞富豪之輩。競求多得。貧弊之家。俱苦不贍。吏或愚闇。治乖清公。遂令百姓不免罄乏。倉粟徒致減損。革弊之途。於此為切。加以收納官稻。不免死人。思彼孤遺。深以矜愍。自今以後。論定公廩及雜色稻。出舉息利。收半倍利。死者負稻。依舊免除。二月丙申。外從五位下。奉宿祢都伎麻呂為少工。丁酉。停造官職。併木工寮。事務繁多。回加史生六員。合前十二員。從四位下。藤原朝臣大繼為伊勢守。神祇伯從四位下。和朝臣入鹿麻呂為兼常陸守。甲辰。從五位上。多治比真人八千足為少納言。從五位下。安倍朝臣鷹野為治部少輔。從五位下。路真人年繼為兵部少輔。從五位下。高澄真人名守為左京亮。從五位下。大中朝臣諸人為右京亮。從五位下。佐伯宿祢鷹成為參河介。外從五位下。豐山忌寸真足

為駿河介。從五位下。御長真人仲繼為伊豆守。從五位下。大伴宿祢長村為安房守。丁未。勅。准令。大宰大貳是正五位上。官宜改為從四位下。官。戊申。從五位下。藤原朝臣貞繼授從五位上。己酉。正六位上。下道朝臣繼成。安都宿祢豐永授外從五位下。庚戌。參議正四位下。藤原朝臣繩主為左大辨。近衛中將如故。正五位下。御長真人廣岳為左中辨。從五位上。藤原朝臣貞嗣為右中辨。丹後守如故。從五位下。石川朝臣清直為左少辨。從五位下。多治比真人今麻呂為右少辨。從五位下。文室真人乙直為左大舍人。助。從五位下。紀朝臣岡繼為右大舍人。助。參議正四位下。藤原朝臣繩主為陰陽頭。左大辨。近衛中將如故。從五位上。和氣朝臣廣世為式部大輔。大學頭。美作守如故。從五位下。藤原朝臣永貞為少輔。從五位下。紀朝臣良門為大學助。從五位下。藤原朝臣綱繼為治部少輔。從五位下。大春日朝臣魚成為玄蕃助。從五位下。乙野王

為諸陵頭從五位上藤原朝臣繼彥為民部大輔從五位下大伴宿祢久米主為少輔外從五位下日下部連得足為主稅助從四位下藤原朝臣仲成為兵部大輔從五位上藤原朝臣道雄為刑部大輔上總守如故從五位下淡海朝臣貞直為少輔從四位上藤原朝臣園人為宮內卿相模守如故從五位上石川朝臣吉備人為大輔從五位下和朝臣男成為主殿頭外從五位下出雲連廣貞為典藥助美作權掾如故從五位下百濟王元勝為鍛冶正從五位上下毛野朝臣年繼為官奴正從五位下藤原朝臣千引為彈正弼從三位藤原朝臣葛野麻呂為春宮大夫從五位下大伴宿祢人益為伊豆守從五位下安倍朝臣鷹野為下總介從五位下葛井宿祢豐繼為安藝介從五位下小野朝臣真野為紀伊介從五位下安倍朝臣兄雄為中衛少將從五位下平群朝臣加世麻呂為隼人正從四位下巨勢朝臣野足為左衛士督下野守

如故從五位下紀朝臣真鴨為權佐從五位下紀朝臣八原為主馬助戊作從五位下藤原朝臣城主為典藥頭辛亥皇太子奉獻以贈皇太后淳和誕皇孫也甲寅從三位行皇太子傳大伴宿祢弟麻呂上表言臣幸遇昌運見列貴班如狗伏砌于今卅有餘年遂位昇三品職參八卿又東宮之傳泰當此選續門華族聖恩難測願影捫躬覲顏亦甚心謂策駑引控奉國損生授命輸誠破家耳死而今年逮八十進退不便自悲老狼前却失據疾侵力衰素食責重鍾鳴漏盡骸骨願歸連石餘輝願東天而匿影就水危魄仰北闕而奉辭謹詣朝堂陳乞以聞遣中納言近衛大將從三位藤原朝臣內麻呂就第宣許之令奉朝請丁巳先是尚縫正四位下五百井女王為令聖躬平善造寫藥師佛像并法華經至是功畢因屈僧卅一人設齋於前殿百官供奉庚申和泉國人陵戶村主黑人賜姓村主收故從五位下箭集宿祢虫麻呂功田五町養老

六年以刪定律令功所賜也。依無胤子收焉。三月戊寅，右京人從八位下物部首縹麻呂賜姓高狩，忌寸己卯，上病大漸，彌留，召五百枝王。庚辰，復五百枝王本位。從四位上冰上真人川繼、藤原朝臣清岡從五位下，幸己勅，緣延曆四年事配流之輩，先己放還。今有所思，不論存亡，且叙本位。獲大伴宿禰家持從三位，藤原朝臣小依從四位下，大伴宿禰繼人，紀朝臣白麻呂正五位上，大伴宿禰真麻呂，大伴宿禰永主從五位下，林宿禰稻麻呂外從五位下，奉為崇道天皇，令諸國國分寺僧春秋二仲月別七日讀金剛般若。若經有頃，天皇崩於正寢。春秋七十，皇太子哀號擗踊，迷而不起。參議從三位近衛中將坂上大宿禰田村麻呂、春宮大夫從三位藤原朝臣葛野麻呂固請扶下殿，而遷於東廂。次璽并劔橫近衛將監從五位下紀朝臣縹麻呂從五位下多朝臣入鹿相副從之。遣使固守伊勢美濃，越前三國故關。是日有血灑東宮寢殿上。壬

午，中納言從三位藤原朝臣內麻呂寧參議正四位下，藤原朝臣繩主從四位下，藤原朝臣緒嗣從四位下，秋篠朝臣安人散位從四位上，五百枝王等奉御，斂正三位藤原朝臣雄友從三位，藤原朝臣內麻呂，藤原朝臣葛野麻呂從四位上，五百枝王正四位下，藤原朝臣繩主從四位上，藤原朝臣園人正五位下，御長真人廣岳從五位上，藤原朝臣繼彥、石川朝臣河主從五位下，池田朝臣春野、藤原朝臣永貞、紀朝臣咋麻呂、息長真人家成，六位以下七人為御裝束司。從三位藤原朝臣乙叡、紀朝臣勝長從四位上，吉備朝臣泉從四位下，藤原朝臣仲成、文室真人八太麻呂正五位下，藤原朝臣里麻呂、布勢朝臣尾張麻呂從五位上，淡路真人福良麻呂從五位下，路真人年繼，六位以下八人為山作司。從五位下田口朝臣息繼、田中朝臣八月麻呂，六位以下六人為養役夫司。從五位下安倍朝臣益成，外從五位下秦宿禰都伎麻呂，六位

以下三人為作方相司正五位上大野朝臣直雄從五位下百濟王教俊六位以下三人為作路司發左右京五畿內近江丹波等國夫五千人從三位藤原朝臣葛野麻呂從四位上藤原朝臣園人並為權參議癸未以山城國葛野郡宇太野為山陵地是日上著服用遠江貨布頭巾用皂厚縵百官惣素服西北兩山有火自焚甲申有司言上生年及重復日並依故事停舉哀不許乙酉是夜月蝕之丙戌日赤無光兵庫夜鳴是夜月蝕之上謂公卿曰奄丁酷疠若宣湯火今灾青頻見責深在子但崇德消灾著在前修內外群官勤匡治道以補不逮其近仗之甲盡從脫却其諸國關津宜停其守公卿言近仗著甲及固守關津往古恒制不唯今日報曰大行天皇聖德弘茂海內清平有何疑貳喪服如甲非所以枕伏草土攀慕哀號者也又固絕關津令人擁滯煩民害農無深於此宜下所司咸以開通丁亥行大行天皇初七齋於京下諸寺

是日日赤無光大井比叡小野栗栢野等山共燒煙灰四滿京中晝昏上以為所定山陵地近賀茂神疑是神社致灾火乎即決卜筮果有其祟上曰初卜山陵筮從龜不從也今灾異頻來可不慎歟即自禱祈火灾立滅戊子新仕國司准公麻四分之一聽獄官稻未及得分有遷代者於後任填納己丑先是命取司每日進米粥勿進餘味是日群臣固請進膳從之癸己令大和伊賀兩國造行宮為齋內親王歸京也夏四月甲午朔中納言正三位藤原朝臣雄友孽後誅人左方中納言從三位藤原朝臣內麻呂參議從三位坂上大宿祢田村麻呂侍從從四位下中臣王侍從從四位下大庭王參議從四位下藤原朝臣緒嗣右方權中納言從三位藤原朝臣乙叡參議從三位紀朝臣勝長散位從四位上五百枝王參議正四位下藤原朝臣繩主從四位下秋篠朝臣安人等奉誅曰畏哉平安宮爾御座志天皇乃天都日嗣乃御名事表恐年

恐母誅白臣未畏哉日本根子天皇乃天地乃共長久日月乃共
遠久所白將去御謚止稱白久日本根子皇統彌照尊止稱白久
恐年恐母誅白臣未庚子葬於山城國紀伊郡柏原山陵天皇諱
山部天宗高紹天皇之長子也前史闕而不載母曰高野大皇禮
后龍潛之日授從四位下歷官侍從大學頭寶龜元年授四品二
年拜中務卿四年為皇太子天宗天皇心倦萬機慮深釋重遂讓
位于天皇初有童謠曰於保美野邇多太仁武賀倍流野倍能佐
賀伊太久那布美菴都知仁波阿利登毛有識者以為天皇登祚
之徵也天皇性至孝及天宗天皇崩殆不勝喪雖踰歲時不肯釋
服天皇德度高時天姿嶷然不好文華遠照威德自登宸極勵心
政治內事興作外攘夷狄雖當年費後世賴焉辛丑行三七齋於
山陵乙巳從五位下大中臣朝臣真廣為神祇大副從五位下藤
原朝臣網繼為少納言從五位下高村忌寸田使為大外記從五

位下野倍王為大監物外從五位下下道朝臣繼成為主計助中
衛少將從五位下安倍朝臣兄雄為兼內膳權正從五位下石川
朝臣魚麻呂為左京大夫從五位下藤原朝臣城主為下總介石
衛士佐從五位下田中朝臣八月麻呂為兼越後守從五位下藤
原朝臣伊勢人為安藝守丙午右大臣神王等上啓曰惟天為大
運四序以授時惟辟奉天括三才而育物故能據龍圖而朝萬國
握鳳紀而撫八荒斯業於是永隆風聲所以自遠大行天皇膺通
三之嘉命乘得一之昌期籠軒昊而功成踰殷周而治定奄棄率
土遄及登仙徒仰弓劍痛踰湯火伏惟皇太子殿下稟惟獻之神
姿承元嗣之洪緒誠孝過禮哀慕靡追神等遐觀往冊緬歷前脩
莫不俯就弘規式慕洪業伏乞殿下可割荼毒而存至公率典章
而昇寶位裁成四海字濟萬方无任懇性之至謹奉啓以聞是日
從四位下藤原朝臣緒嗣秋篠朝臣安人授從四位上從五位上

和氣朝臣廣世石川朝臣河主正五位下從五位下平群朝臣真常池田朝臣春野從五位上並以奉侍先帝兼監護山陵也丁未无位和氣朝臣嗣子授從五位下正五位下和氣朝臣廣世之母也廣世請以位讓母上慙其志故有此授是日參議從四位上兼行右衛士督但馬守藤原朝臣緒嗣正五位下行侍從左兵衛佐藤原朝臣嗣業等返上先帝所賜別勅封二百戶即令從五位下中衛權少將兼春宮亮藤原朝臣真夏勅曰先帝持所賞封也不可更納戊申行四七齋於佐比鳥戶崇福寺是日遣右兵庫頭從五位下佐伯王左衛士佐從五位下百濟王教俊等迎齋內親王於伊勢國己酉遣使奉幣於伊勢大神宮以齋內親王歸京也辛亥百官重復上啓曰夫令者隨代垂制臨時定議依事改張備於權宜謹案礼家先君崩嗣子位定於初喪即位既明无疑遵行臣等今月十三日奉啓寧迪舊章欲申礼典荼毒之始不許取請伏

惟殿下勸情天縱孝心自然哀痛攀慕抑禮不從綸旨尚稱令敷奏每曰啓替之禮家當為違失求於人事亦有不慥臣等愚情竊慄不穩伏望改令稱勅使易施行報曰余小子未忍即稱帝號然卿等數有上啓義在難違不果窮心唯增摧感是日正三位藤原朝臣雄友從三位藤原朝臣內麻呂為大納言從三位藤原朝臣乙叡坂上大宿祢田村麻呂紀朝臣勝長為中納言從三位藤原朝臣葛野麻呂從四位上藤原朝臣園人為參議文章博士從五位下賀陽朝臣豐年為兼陰陽頭從三位藤原朝臣葛野麻呂為式部卿正五位上三諸朝臣綿麻呂為播磨守從五位下多朝臣入鹿從五位下藤原朝臣真雄為近衛少將從五位下安倍朝臣鷹野為衛門權佐右大辨從四位上秋篠朝臣安人為兼左衛士督從五位下紀朝臣百繼為右衛士權佐越後介如故從四位下巨勢朝臣野足為左兵衛督下野守如故從五位下紀朝臣繩麻

呂為佐。從四位下藤原朝臣仲成。為右兵衛督。兵部大輔。如故。從
 五位下藤原朝臣山人。為主馬權助。甲寅。從五位下。安倍朝臣鷹
 野為少納言。衛門權佐。如故。從三位藤原朝臣乙叡。為兵部卿。中
 納言。如故。近衛少將。從五位下。多朝臣入鹿。為兼武藏權介。中納
 言。從三位坂上大宿。祢田村麻呂。為兼中衛大將。乙卯。行五七齋
 於大安秋篠寺。丙辰。少僧都。大律師。勝。大律師。玄。賓。為大僧
 都。律師。大律師。如寶。大律師。泰。信。為少僧都。大律師。永。忠。為律師。
 正六位上。錦部。足人。授外從五位下。丁巳。攝津國住吉郡住吉大
 神。奉授從一位。以遣唐使。祈也。侍醫。外從五位下。出雲連。廣。貞。為
 兼但馬權掾。外從五位下。若江造。家。繼。為典藥。允。是日。右大臣。從
 二位。神王。薨。詔贈正二位。大臣者。田原天皇之孫。櫻井親王之子
 也。天平神護三年。授從五位下。及天宗高。紹天皇。登極。授從四位
 下。尚美。弩。摩。內親王。為左大舍人。頭。延曆初。授正四位下。除彈正

尹。十二年。授從三位。拜中納言。十五年。轉大納言。拜右大臣。性恭
 謹。少文。接物。淡若。雖居顯貴。克有終焉。時年七十。己未。大和國葛
 上郡正四位上。高天彥神。預四時幣帛。緣吉野皇太后願也。壬戌。
 行六七齋於崇福寺。五月甲子朔。諱。和。上表曰。臣聞崇高者。天理
 忌其滿盈。卑下者。神道祐其謙虛。古今之攸同。聖哲之遺訓。臣諱
 疏。潤。天津。分。景。扶。木。每以沖退為心。悚懼為念。今陛下龍德嗣興。
 鴻基紹構。萬物改旦。千齡配長。普天率土。沐浴恩波。允厥臣子。孰
 不幸甚。唯臣之私情。宿懷降挹。事隨宜制。當在今辰。伏願陛下。納
 臣揆分之言。許捨親王之號。矜臣竭愚之志。垂同諸臣之姓。事君
 之道。無敢所隱。伏瀝中誠。實非外饒。无任懇款之至。謹奉表以聞。
 有勅。不許。是日。正五位下。和氣朝臣。廣。世。為左中辨。大學頭。美。作
 守。如故。從四位下。吉備朝臣。泉。為式部大輔。正五位上。三諸朝臣
 綿。麻。呂。為待從。播磨守。如故。正五位上。藤原朝臣。繼。業。為兵部大

輔從五位上百濟王聰哲為越後守從五位下安倍朝臣小笠為
介丁卯勅天應元年有詔從四位上五百枝為二世王而延曆四
年有罪降貶宜依先詔為二世王戊辰尚殿從四位下和朝臣家
吉卒己巳行七七御齋於寢殿是日勅今聞頻年不登民食惟乏
雖出舉公稻而猶多阻飢回茲私託民間更事乞貸報償之時息
利兼倍遂使富強之輩膏粱有餘貧弊之家糟糠不厭宜貸正稅
濟彼絕之須差使實錄貧人結保給之若有亡者令保內填其情
涉愛憎退弱進強及補填未納兼收私債者發覺之日必處重科
待民稍給乃從停止庚午奉讀大般若經於大極殿并東宮是日
群臣上表曰臣等近誓之舊章請以昇朝位陛下不垂省納未允
翹誠在於聖躬實雖盡美議諸凡厥竊恐未安豈有德被无方者
殉足夫之小節化覃有截者略皇王之宏規哉天下至大庶政至
殷一日萬機不可曩曠伏願陛下上念社稷之重下從黎元之望

負辰臨朝凝旒布政則小大之心允睦遠近之情克諧國家惟寧
天下幸甚臣等請擇良辰班示有司不勝憂惶之至謹詣闕以聞
勅近省公卿等表請以宗社事重哀慟之情不能殫忘而再三敦
逼回依來請其左右京并天下諸國待大掖使到掖清然後釋服
不得回此飲宴作樂并著美服壬申三品伊豫親王為中務卿兼
大宰帥三品諱和厚為治部卿四品葛原親王為大藏卿三品諱城
為彈正尹左京大夫從四位下藤原朝臣大繼為兼典藥頭從五
位下大中臣朝臣諸人為伊勢介癸酉散位從四位下粟田朝臣
鷹守卒丁丑勅備後安藝周防長門等國驛館本備蕃客瓦菅粉
壁項年百姓疲弊修造難堪或蕃客入朝者便從海路其破損者
農閑修理但長門國驛者近臨海邊為人所見宜持加勞勿減前
制其新造者待定樣造之己卯從四位上五百枝王上表曰臣稟
散樗之微質忝天潢之末流世依寵昇位非才授叨榮過分奉國

日本後紀卷第十四起大同元年六月盡九月

左大臣正二位兼行左近衛大將藤原朝臣冬嗣等奉

勅撰

日本根子天推國高彥天皇卒城天皇

天皇諱安殿皇統彌照天皇_{桓武}之長子母曰藤原贈大皇太后寶龜

五年生於平城宮延曆四年十月皇太子_{早良}被廢即立諱為皇太子

及長精神聰敏玄鑒宏達博綜經書工於文藻

大同元年五月辛巳即位於大極殿詔給諸社禰宜祝及諸寺智

行僧尼孝義人等位一階又五畿內鰥寡孤獨之不能自存者給

物又免天下言上未納改元大同非禮也國君即位踰年而後改

元者緣臣子之心不忍一年而有二君也今未踰年而改元分先

帝之殘年成當身之嘉号失慎終死改之義違孝子之心也替之

舊典可謂失也是日叙位有差壬午追尊皇太后為大皇太后皇

后為皇太后詔彈正尹某_城定賜皇太弟宮内卿藤原朝臣園人

為皇太弟傅林宿補少婆為學士秋篠朝臣安人為春宮大夫丁亥始置六道觀察使己丑勅公使之政既立程限私暇之期必有日數如聞諸國收宰之輩或就使入京公務已畢或緣事歸舍暇日方滿而經過官闕留連間里量被景迹不可不肅又上下殊等所掌各別若長官出行須佐職留守而或有緣已上官共離任所付印主典泰甚之至一復如此其奉使過限者勘由申之暇滿未來者錄名同言隱忍不告者事覺之日准狀科附不得阿容六月癸巳朔山陽道觀察使正四位下藤原朝臣園人言西海道年中入京雜使其數繁多而此道疲弊殊於他堰檢察其由牽緣迎送无息不得顧私伏望西海道府國五位已上自今以後自非秩滿解任者不聽輒入京者許之是日勅池之為用必由灌漑粟林之用良為得實今諸國所有蓮池并粟林等或決灌田之水潤彼芙蓉或占无實之林寄言供御如此之類必妨百姓宜遣使子細勘

定之又東宮舍人者依令取蔭子孫及位子儀容端正工於書筆者補之而頃年乖令兼取白丁宜改此例一依令條戊戌正三位守右大臣兼行近衛大將藤原朝臣内麻呂上表曰伏見群臣議奏大臣食封增加千戶所以崇禮高德歷代不易之典也臣運偶聞奏曲荷鴻貸起歷等次辱尸斯位恩深寵盈待安人神今復厚祿豐秩一倍前數物極則變樂往哀來臣之昧德不知所為伏請名帶二千俟後來之賢臣實食千戶省素食之切責率由懇衷非敢詭飾特願靈鑒以降天從无任慙歎之至謹奉表以聞勅不聽己亥公卿奏言量事制宜聖皇茂典隨時分職哲后良規頃年令大宰府帶筑前國兼廢品官庶存簡要而今管撰多事充用少久伏望增置官負得濟繁劇者勅增加大少監大少典各一負辛丑詔曰尊祖追榮先王之茂範敦親贈廟曩哲之嘉猷朕以菲薄嗣守洪基思欲率循旧章篤崇典禮宜朕外祖父贈從一位内大臣

藤原朝臣良繼追贈正一位太政大臣外祖母贈從一位尚藏安
倍朝臣古美奈贈正一位又詔藤原某朝臣追贈皇后遣伊勢守
藤原朝臣大繼等告於皇后陵皇后諱帶子贈太政大臣正一位
藤原朝臣百川之女也帝在儲宮納之為妃壬寅手詔曰朕以庸
虛謬兼光業雖奉丕訓猶暗政治負重春冰取喻方易御朽秋駕
比懼非難伏惟先帝捨地宣風統天立化布克心而撫育垂禹泣
而哀矜謹讀延曆五年四月十一日詔下者偶諸國庸調支度等
物每有未納交關國用良由國郡司遙相怠慢又莅政治民多乖
朝委宜量其狀迹隨事貶黜所司宜作條例奏聞公卿即依制旨
上一十六條事自茲厥後既經年所空設憲章未聞遵行是則國
郡官司不練之所致也今為行十六條量置六道觀察使道別一
人判官一人主典一人所以移風淳風易俗雅俗激揚清濁黜陟
幽明也其事有大小使有輕重自非國由廢興政關成敗宜遣判

官以下督察兼復取所司清廉幹了官差發檢校庶富之詞聞諸
先聖安集之語在於風人允厥使手副朕意焉又勅諸王及五位
己上子孫十歲以上皆入大學分業教習依蔭出身猶合上寮經
一選□□大舍人但情願遂業者聽之是日正三位守右大臣
兼行近衛大將藤原朝臣內麻呂上表曰臣瀝類露丹上表祈哀
叩闕之誠靡遠聽卑之意未徵是用踴影循形如真炎熾銷神驚
魂若履輕冰臣內麻呂誠惶誠恐頓首頓首死罪死罪臣聞德薄
位尊功微當重古人知其曰濟前哲誠其終凶况乎累日駢時人
臣位極超倫輾輦寵光極華訪諸天道速履之府每興斯思居榮
為感雖知嚴命不可違聖恩宜祗貳而固陋之情莫能自奪非曰
鳴謙豈敢矯飾伏乞曲迴鑒許賜矜前請臣之在生志願足矣不
任悚迫之至謹重奉表以聞手詔報曰重省表□固辭益封雖崇
沖讓未允□情何者堂高階遠位尊祿厚問古替今有曰先替其

大臣者望高端右貴冠群后禮數袂服明載國典又祿之所得先
哲不辭况今日增戶是復本數明知此意宜漸表請癸卯律師永
忠言伏見公私齋會預先備擬造食或炎夏盛熱鬱爛醱生或正
冬嚴寒熱羹凍陵遠近馳逐糜費資財飲食靡惡不堪入口元擬
招福反致譏嫌伏請自今以後一依本教均平行食施者心行平
等受者少欲知足又佛法本意深信肅清設齋之日必須飲食豐
農不得輕貶不足亦請頒示天下曉諭百姓者許之乙巳奉為先
帝度僧一百五十人尼五十人辛亥制項年追孝之徒心存哀慕
事務豐厚眩人耳目各競求名至於貧者或賣却田宅還滅家途
凡功德之道信心為本目物多少寧有輕重宜誦經而施者親王
一品商布五百段已下二品三百段已下三品四品各二百段已
下諸王諸臣一位五百段已下二位三百段已下三位二百段已
下四位一百段已下五位五十段已下六位已下世段已下宜依

件羨莫令相超又世俗之間每至七日好事修福既无紀極為弊
不少宜三七日若七七日一度施捨其非商布者亦宜准此數閏
六月□□勅王臣神寺占山河海鳴濱野林原等者後乙亥年暨
于延曆廿年一百廿七歲之間或頒詔旨或下格持數□兼占頻
斷獨利加以氏氏祖墓及□姓宅邊栽樹為林□寺所許步數具
有明文又五位已上六位已下及僧尼神主等違犯之類復立科
法今山陽道觀察使參議正四位下守皇太弟傳藤原朝臣園人
言山海之利公私可共而勢家專點絕百姓活愚吏阿容不敢陳
正頑民之亡莫過此甚伏望依慶雲三年詔旨一切停止者今如
所言則知後設憲章曾先遵行率由所司阿從而令百姓有妨宜
一切收入公私共之若有犯者依延曆年中格一无所宥自今已
後立為恒例但山岳之體或於國為礼漆菓之樹觸用悉切事須
蕃茂並勿伐損其菓實□復宜相共又山城國葛野郡大井山者

河水暴流則堰堤淪沒採材遠處還夫灌漑曰茲國司等量便禁制河邊死令他所諸國若有斯類者不論公私不在收限其語寄有要輒占无要者事覺之日必處重科丁丑廢勘解由使戊子賜諸道觀察使印秋七月壬辰朔北陸道觀察使右大辨從四位上秋篠朝臣安人為周忌御齋會司乙未勅關津之制為察衆違苟有阿容何設朝憲今聞長門國司勘過失理衆庶嗷嗷自今以後不得更然若有違犯特重科戊戌勅今聞畿內勅旨田或分用公水新得開發或元墾墾地遂授良田加以託言勅旨遂開私田宜遣使勘察若王臣家有此類亦宜同檢改紀伊國安部郡為在田郡以詞涉天皇諱也壬寅聽以白丁百人補東宮舍人永以為例勅如聞民部省所收戶籍遠近紛雜觸事多煩宜一依令條庚午年并五比籍之外依次除之甲辰詔曰比公卿奏日月云除聖忌將周國家恒例就吉之後遷御新宮請預營構者此上都先帝

所建水陸亦湊道里惟均故不憚費勞期以永逸棟宇相望規模合度欲使後世子孫无所加益朕忝承聖基嗣守神器更事興作恐非成規夫漢代露臺尚愛千家之產大厦層構亦非一木之枝朕為民父母不欲煩勞思擬舊宮礼名宜之卿等合和朕此意焉於是百官奉表拜賀曰亮陰之後更建新宮古往今來以為故實臣等准據舊例預請處裁伏奉今月十三日勅稱朕為民父母不欲煩勞思擬舊宮礼名宜之臣等忝聞綸旨載喜載悲誠以孝子充成父志遂昌堂構者也允厥百僚幸二甚二臣聞明王軌俗溫恭寔懷哲后經邦滂泊為德伏惟皇帝陛下聲韜嗣禹業切慕文順稟成規揄揚郁烈亭毒被於萬品燾載苞於兩儀玄切躬墮而激大雅之風神用周流以布中和之樂道融有截化溢无垠猗歟偉歟盡善盡美仍恐環瀛之表无擊壤歌浹寓之涯有向隅歎遂乃苞軌貢珍事從簡寘文書調役務期單疎雲構非加省□於梓

匠露臺輟作愛費於金直苔砌之荒涼再迎鳳蓋栢梁之寂寞重
轉鸞輿臣等就日喰和望電沐霈持東海鼈而先喻仰德伐南山
竹而未足書息死任鳧藻之至謹詣闕奉表陳賀以聞庚戌制陰
子孫先勩藉後叙位夫五位以上冠蓋惟貴子孫勩藉事涉細碎
自今以後宜停勩藉但冒名被蔭登孫為子之類所司不存檢察
若有此類所貢官人依法科罪壬子廢中內記庚申置內記史生
四負八月癸亥詔曰朕以眇眇嗣奉丕基肩天下之重任當海內
之深責常以履水疚懷惟溝軫慮勵精克己詳永至治而誠未動
天卑聽罔照陰陽僭度霖雨為灾靜言敬咎在予一人或由政道
不洽仁風未靡何用招此漂損害及黎元夫股肱之任發理斯存
公卿宜扶輔朕躬匡其不逮共除姦祥庶答靈心其百姓回水流
失資產者量加支給所須事條具狀奏聞普告遐邇知朕意焉甲
子免畿內被水害百姓調徭其正稅者聽明年納之七道諸國且

令賑給庚午先是中臣忌部西氏各有相訴中臣氏云忌部者本
造幣帛不申祝詞然則不可以忌部氏為幣帛使忌部氏云奉幣
祈禱是忌部之職也然則以忌部氏為幣帛使以中臣氏可預教
使彼此相論各有所據是日勅命據日本書記天照大神開天磐
戶之時中臣連遠祖天兒屋命忌部遠祖太玉命掘天香山之五
百箇真坂樹而上枝懸八坂瓊之五百箇御統中枝懸八咫鏡下
枝懸青和幣白和幣相與致祈禱者然則至祈禱事中臣忌部並
可相預又神祇令云其祈年月次祭者中臣宣祝詞忌部班幣帛
踐祚之日中臣奏天神壽詞忌部上神璽鏡劍六月十二月晦日
大祓者中臣上御後麻東西文部上殺刀讀教詞訖中臣宣教詞
常祀之外須向諸社供幣帛者皆取五位以上卜食者充之宜常
祀之外奉幣之使取用兩氏必當相半自餘之事專依令條巳卯
武藏國獻白鳥賜護者伊福部淨主稻五百束壬午勅夫功德之

興。曰心各別。何則。或甲構堂宇。乙寧得為己。是以大小諸寺。每有檀越。田畝資財。隨分施捨。累世相兼。崇敬至今。如聞王臣。勢家不願本願。而追放檀越。改替網維。田園任意。或賣或耕。名稱己寺。還致損穢。若有期類者。五位已上。錄名奏聞。六位已下。禁身進上。又其檀越子孫。物撰田畝。專養妻子。不供眾僧。宜簡氏中情。在弘道者。充乙酉。參議東海道觀察使。從三位藤原朝臣葛野麻呂言。延曆十七年格。出舉正稅。給穀收穀。左為恒例者。而今奉勅。稻有早晚。各任土宜。而盡類為穀。種子難辨。宜本者收類。利者納穀。不絕本類。迴充種子。本稻之外。不得收類。若有過限收類者。國郡官司。科違勅罪者。今或國司等偏執此格。公廩利稻。并年中雜用。皆悉令糴。其收類穀之意。本為遠貯。而今日勞糴。明年盡用。徒有民弊。曾无公益。伏望依延曆十一年十一月廿八日格。年中雜用。并公廩等稻。不勞為糴。以省民弊者。許之。丁亥。勅。如聞七道諸寺。檀越

等。或佃寺田。不納租米。或費燈分稻。不事燃燈。或佩用錢物。經年不還。或奴婢牛馬。役用私家。如此之流。觸類繁多。加以寺山樹木。任意斫損。愛憎自由。改補三綱。有一於此。豈謂檀越。從今有犯。科違勅罪。國司三綱。衆僧知而容隱。亦與同罪。是月霖雨不止。洪流沈濫。天下諸國。多被其害。九月癸巳。勅。水之浸損。積微為害。屬于小決。功在一遺。而死人監修。致此多懷。宜衛門衛士府。專當左右京堤溝。勤加修補。壬子。遣使封左右京及山崎津難破津酒家。甕以水旱成災。穀米騰躍也。

日本後紀卷第十四

考異

園

山

一

下

據

國

穎

字

人

字

一

舊

張

右

脫

右

十

據

十

下

三

行

文

又

代

十

格

舊

補

二

癸

作

人

已

朔

月

一

左

八

日

朔

舊

已

脫

提

一

代

張

右

脫

右

十

據

十

下

三

行

文

又

代

十

格

舊

補

二

癸

作

人

已

朔

月

一

左

八

日

朔

舊

已

脫

提

一

代

推

要

于

記

右

脫

右

十

據

十

下

三

行

文

又

代

十

格

舊

補

二

癸

作

人

已

朔

月

一

左

八

日

朔

舊

已

脫

提

一

代

推

要

于

記

右

脫

右

十

據

十

下

三

行

文

又

代

十

格

舊

補

二

癸

作

人

已

朔

月

一

左

八

日

朔

舊

已

脫

提

一

代

推

要

于

記

右

脫

右

十

據

十

下

三

行

文

又

代

十

格

舊

補

二

癸

作

人

已

朔

月

一

左

八

日

朔

舊

已

脫

提

一

代

推

要

于

記

右

脫

右

十

據

十

下

三

行

文

又

代

十

格

舊

補

二

癸

作

人

已

朔

月

一

左

八

日

朔

舊

已

脫

提

一

代

推

要

于

記

右

脫

右

十

據

十

下

三

行

文

又

代

十

格

舊

補

二

癸

作

人

已

朔

月

一

左

八

日

朔

舊

已

脫

提

一

代

推

要

于

記

右

脫

右

十

據

十

下

三

行

文

又

代

十

格

舊

補

二

癸

作

人

已

朔

月

一

左

八

日

朔

舊

已

脫

提

一

代

推

要

于

記

右

脫

右

十

據

十

下

三

行

文

又

代

十

格

舊

補

二

癸

作

人

已

朔

月

一

左

八

日

朔

舊

已

脫

提

一

代

推

要

于

記

右

脫

